



U sedzana na *Covid*

African Storybook

Tawanda Mhandu





Zwikolo zwo vha zwo vala lwa minwedzi minzhi nga
ñwambo wa nyiledzo ya u tshimbila dzibadani
(*lockdown*) ya lushaka.

Nyiledzo ya u tshimbila dzibadani yo itelwa u
fhungudza u phadlalala ha *Covid-19*.

Zwikolo zwo dovha zwa vula vhege yo fhelaho. Vhanwe
vhagudiswa vha kha ɔi vha hayani. Ngei Maxeke
Primary School, ndi tshifhinga tsha ngudo ya Vhutsila
kha zwa Vhutshilo.



Mudededzi Piti u khou tṱoṱa u ḡivha uri vhana vho sedzana hani na nyiledzo ya u tshimbila dzibadani.

U amba na vhana vha re kilasini a ri, “Ndi khou tṱoṱa u pfa nga ha tshenzhelo dza vhoiwe nga tshifhinga tsha nyiledzo ya u tshimbila dzibadani.”

Sello a thoma, “Khotsi anga vha tenda uri muṱwe na muṱwe u fanela u vha na maitele ane a a tevhedza ḡuvha na ḡuvha.”



“Nga zwenezwo, vho ri vusa nga matsheloni mañwe na mañwe u bva nga Musumbuluwo u swika nga Lavhuṭanu, nahone vho vha tshi ri itisa tshithu tshi vhuyedzaho u bva nga 8 nga matsheloni u swika nga 2 nga masiari,” hu amba Sello.

Munya u a vhudzisa, “Zwi amba mini, ‘u ita tshithu tshi vhuyedzaho?’”


“Ndi u ita tshithu tshi shumiseaho na tshi thusaho,” hu fhindula Sello.



“Ee Sello, zwo tou ralo,” hu amba Mudededzi Piti.

Neo khaladzi ya Sello u a engedza, “Khotsi ashu vho ita vhungoho ha uri nyiledzo ya u tshimbila dzibadani i fana na u ya tshikoloni!”

Neo uri, “Tshithu tshithihi tshe nda tshi takalela nga nyiledzo ya u tshimbila dzibadani ndi uri ro ita zwithu zwinzhi rothe sa muṭa.”



Munya uri, “Ndi humbula u nga ndo shumisa tshifhinga tshanga nga vhuṭali. Ndo guda nga maanda Dzimbalo ngauri ndi khou ṭoda u khwinisa maraga dzanga.

Ndo ṭalela dzimuvi na u tamba nṅa uri ndi ḡimvumvuse. Ndo dovha nda vhalā uri ndi dzule dzo farakanea.

Ndo ita nyonyoloso uri dzi dzule ndi na mutakalo wavhuḍi.”



Basani uri, “Malugana na nyiledzo ya u tshimbila dzibadani, ndi humbula uri ho vha na zwithu zwavhuḽi na zwi si zwavhuḽi.”

“Zwithu zwavhuḽi ndi uri ndo wana tshifhinga tsha u awela, na u ṭwa na muṭa wa hashu. Ndo shumisa tshifhinga u vhalala dzibugu na u vusulusa mushumo wa tshikolo,” u a ṭalutshedza.



U bvela phanḁa, “Ndo vha ndi tshi vhilaedziswa nga vhashumi vha hayani uri naa vha ḁo wana miholo yavho.

Ndo vha ndi tshi ḁa mbilu nga muḁa wa hashu na vhathu vhane vha dzulela u pfuka mulayo.”

Mudededzi Piti u tenda nga ḁhoho. U a zwi ḁivha uri nga tshifhinga tsha nyiledzo ya u tshimbila dzibadani zwo vha zwo leluwa u ḁipfa wo hanganea na u ḁa mbilu.



Yash uri, “Hayani ri vhathu vha rathi. Naho ndi tshi funa mutā wa hashu, u vha navho tshifhinga tshoṭhe zwo vha zwi tshi mpengisa.

U tandulula yeneyi thaidzo, Mme anga vho renga mutambo wa *Monopoly*. Wo vha u mutambo u re kha gwati we nda vha ndi tshi u funesa musi ndi tshi kha ḡi vha ṛwana.”



Yash u a phetha, “Vhege dzo fhiraho ndo tambesa *Monopoly* lune nda vho humbula u wana mushumo wa u rengisa zwifhaṱo!”

Amanda u a sea nahone ari, “Zwo nthusaho uri ndi konḡelele tshifhingani tsha nyiledzo ya u tshimbila dzibadani ndi u bika na u baka. Ndo vha ndo ṱuvha tshikolo!”

Vhagudiswa vhanzhi vha tenda.



Mudededzi Piti uri, “Zwi a thusa u amba na muthu ane ra mu fulufhela nga ha nḡila ine ra ḡipfa ngayo.

Namusi ndo pfa mihumbulo yavhuḡi ya nḡila dzine ra nga sedzana na khaedu musi vhutshilo vhu tshi konḡa.

Ri ḡo bvela phanḡa u amba nga hazwo matshelo,” hu amba Mudededzi Piti musi ḡilogo i tshi lila.

—Mbudziso

1. Nwalani zwine haya maipfi a amba zwone: u sedzana na khaedu, u ɔa mbilu, maitele.
2. Nwalani maipfi ane a vha mahanedzi.
3. ɔalutshedzani muswaswo wa Yash.
4. Ndi mihumbulo ifhio miraru ya ndila ya u sedzana na khaedu vhutshiloni?
5. Naa ni tendelana na Basani? ɔalutshedzani phindulo yaɔu.
6. Naa ni humbula uri *lockdown* yo fhungudza u phadalala ha *Covid-19*? ɔalusani phindulo yaɔu.
7. Mudededzi Vho-Piti vha ri, “Zwi a thusa u amba na muthu ane ra mu fulufhela nga ha ndila ine ra dipfa ngayo.” Ndi zwithu zwifhio zwine na nga amba ngazwo na muthu ane na mu fulufhela?
8. U ‘hanganedzi’ zwi amba mini? Ndi ngani ni tshi humbula uri zwo vha zwo leluwa uri vhathu vha dipfe vho hanganeedza nga tshifhinga tsha *Covid*?

Heyi nganea yo thewa kha mivhigo ya RX Radio. RX Radio ndi tshitiŋtshi tsha radio ya kha inthanethe, ya vhana na yo itelwaho vhana.

RX Radio i hasha i ngei Red Cross War Memorial Children's Hospital, Cape Town.

RX Radio i thusa vhana u amba zwiŋtori nga ha mafhungo a ndeme ane a vha kwama.

[Dalelani RX Radio](#)



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).

**basic education**Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: U sedzana na Covid

Author/s: African Storybook

Translator/s: Tshedza Tlhako

Illustrator/s: Tawanda Mhandu

Assurer/s: Doris Manyamalala

Language: Tshivenda



© Zenex Foundation - Saide 2025 (Updated Edition)

CC BY includes the following elements:

BY – Credit must be given to the creator

